

et hoc aliis paracanone  
filii tu corporis **X** et sanguinis **X**  
spiritus qui tecum dicitur celesti  
quoniam secundum dicitur **Dicitur**  
**P**ropterea quia omnes famulorum  
glorie quoniam secundum nos procederent  
propter hanc et precepit mihi dominus pater  
propter dominum nostrum christum quoniam  
nisi dominus resurrexerit de mortuis ac uerba  
dicitur **Obsecrabo te deus** **Obsecrabo te**  
**Obsecrabo te** **Obsecrabo te** **Obsecrabo te**  
**Obsecrabo te** **Obsecrabo te** **Obsecrabo te**

60. f. Bd.

D<sub>9</sub>

+



NICOLAI ANDREAE GRANII  
S V E D I

O R A T I O

P R O

PHILOSOPHIÆ  
DIGNITATE IN RE-  
PVBL. HABITA XXV. IVL.

A. C. cIɔ Iɔ cXXII.

C V M

*Spectab. Dn: Decanus Facult. Phil.*

M. HENRICVS SCAPERVS  
Mathem. pr. p. & p. t. Magnificus VI-  
CE-RECTOR,


*Sex Doctiss. Juvenibus summos in Philosophiâ  
honores conferret.*



Helmæstadñ,  
E typographéo heredum IACOBI LUCI;

M DC XXII.

30



Q U A E S T I O.



Vandoquidem imperas spect. D. Dec.  
ut recepto more specimen ingenii  
edam, adeptus summos in philoso-  
phia honores, Visum est pauca pro af-  
ferendâ philosophiæ dignitate in medium  
afferre. Vos patres Academicci, quâ possum obser-  
vantia, vosq; reliqui auditores spectatissimi, æ quo  
animo paulisper Tyroni auscultare velitis, etiam  
atq; etiam obsecro. Sæpè profectò mirari subit  
varia, imò contraria de philosophia hominum ju-  
dicia. Ne tamen nunc attingam asperiora *Patrum*  
*Veteris Ecclesiae*, quibus satisfactum audio ex hoc  
loco pridem: Si veteres, si summos in Repub. viros  
consulamus, Vno Ore omnes eam commendant  
& ad sydera usq; evehunt. Audite enim nunc Vni-  
cum Ciceronem passim in suis scriptis decantantem  
eius laudes; qui cum eloquens ac disertus, pro o-  
mnibus solus loquatur. Sic enim laudat utramq;  
communiter, tam Contemplativam quam Activam  
in opusculo de Univers. Nullum bonum philosophia  
optabilius, nullum præstantius, neg, datum est mortalium  
generi Deorum consensu neg, dabitur. in I. de Orat. Est  
Laudatarum artium omniū procreatrix quædam & quasi

Cicero co-  
mendat  
Philoso-  
phiam u-  
tramq;

A 2

parens

parens ea quam philosophiam Græci vocant. Est mater omnium benefactorum & benedictorum. &c. I. Tusc. Philosophia omnium bonarum artium mater, nihil est aliud, nisi (ut Plato ait) Donum & inventum Deorum. Hæc nos primum ad Deorum cultum, deinde ad jus hominum quod situm est in generis humani societate, tum ad modestiam magnitudinemq; animi eruditivit. Eademq; ab animo tanquam ab oculis Caliginem dissipavit, ut omnia supera, infera, prima, ultima, media videremus. Speculativam autem peculiariter primò à jucunditate sic laudat 5.

Commen-  
dat Natu-  
ralem.  
  
Tusc. Nihil dulcius literario otio. His dico literis quibus infinitatem rerum atq; naturæ, & in hoc ipso mundo, cœlum, terras, maria, cognoscimus. Deinde ab Utilitate, quod ditare possit. I. de Divinat. Sic Thales Milesius ut objurgatores suos convinceret, ostenderetq; philosophum, si ei commodum esset, pecuniam facere posse, omnem oleam antequam florere cœpisset in agro Milesio coëmissé dicitur. Animadverterat fortasse quædam scientia Olearum Vbertatem fore. Deinde sequenti autumno solus vendidit, indeque ingentem auri vim conflavit. Profusior autem est in laudibus moralis philosophiæ, cuius professores appellat subinde magistros virtutis. 2. Tuscul. ait: Cultura animi philosophia est, quæ extrahit vitia radicis, & preparat animos ad satus excipiendos. Medetur animis, sollicitudines detrahit, cupiditatibus liberat, pellit timores. Et 3. Tusc. Est animi medicina philosophia, sine qua fieri non potest,

ut

Commen-  
dat Mora-  
lem.



at sanus sit animus , cuius auxilium , non ut in corporis  
morbis petendum est foris. Et 5. Tuscul. Vitiorum pec-  
catorumq; nostrorum omnis à philosophia petenda est medi-  
cina. O vitæ philosophia dux! ô virtutis indagatrix ex-  
pultrixq; vitiorum! Qui non modò nos, sed omnino vita ho-  
minum sine te esse potuisset? Tu urbes peperisti: tu dissipas  
hos homines in societatem vitæ convocasti: Tu eos inter  
se primò domicilij, deinde conjugii, tum literarum ac vo-  
cum communione junxisti: Tu inventrix legum: Tu ma-  
gistra morum & disciplinæ fuisti: Tu vitæ tranquillitatē  
largita nobis es & terrorem mortis sustulisti. Sed nunquam  
satis dignè poterit laudari; cui, qui pareat, omne te npus  
ætatis possit sine molestia degere, ait in Catone majore.  
Hæc & multò plura Cicero de philosophia. At  
quantus vir? quantumq; ei tribuendum? Tantus  
certè, qui meritò inter potentissimos Rerump. Im-  
peratores habeatur sagacissimus rerum humana-  
rum explorator, ideoq; earundem æstimator æ-  
quissimus: Inter æstimatores autem rerum precio-  
sarum scientissimos & æquissimes, potentissi-  
mus. Quippe qui eam Rempub. gessit, & in sum-  
mis periculis, summâ fide, dexteritate, prudentiâ  
admirandâ conservavit, cui æqualem nulla un-  
quam vidit ætas, nec visura forte ulla posteritas.  
Prolixum foret recensere aliorum principum per-  
quam honorifica de philosophiâ testimoniâ. Itaq;  
propter horæ angustiam unicum saltem audire ge-

Quanti-  
cienda Ci-  
ceronis  
commen-  
datio?

stio, quid divino Platoni (quem Cicero admiratur, omnibus anteponit, & maximè diligit, veluti Deum & principem philosophorum; à quo qui dissident, plebeios & minutos esse philosophos putat, ideoq; cum eo errare maluerit quam cum aliis benefentire) quid inquam, divino ipsi Platoni in mentem venerit, quando tum demum fore beatas Repub. putavit, si aut philosophi eas regere cœpissent, aut qui regerent omne suum studium in Doctrinâ, Sapientiâ & philosophiâ collocassent. Et cur Cicero tantopere hoc Platonis dictum amplexus pro oraculo videtur arripuisse? An per philosophos intellexit ICtos, Iustitiæ sacerdotes, veram philosophiam non simulatam affectantes: L, prima ff. Paratissimos iccirco ad alia in Repub. munia, extra judicium, extra fo- renses causas? Cum philosophiam multi philoso- phastri habitu ipso, pallio, barbâ ad pubem usque porrectâ, crine, vultu, sonituq; Vocis objurgato- rio, futilem, inanem & argutiarum plenam, & nihil ad vitam tuendam & ordinandam promoven- tem mentirentur. In quibus barbam & pallium tan- tum quiq; intueri poterant non philosophum nisi ad τὸ περὶ ἀγῶνα μέχει τὸ λέγειν. An potius politicos, quod præsint universæ Reipub. ordinando omnes species & partes singulis populis convenientes, cum ICtus parti tantum præsit, videlicet judiciali? Longè au- tem amplius sit officium & beneficium toti consu- lere quam parti; bonos educare cives quam lites diri-

Cur philo-  
sophus  
præficien-  
dus Reip

An pro-  
pter noti-  
ciam Ju-  
nis?

Vel po-  
liticæ?

dirimere. Politicus autem est philosophus; cum  
citra omnem controversiam constet politicam es-  
se partem philosophiae activæ: ideoq; philosophus  
aptior Rerump. director & gubernator quam lCt⁹?  
*An propter Ethicam voluit philosophum præesse, quam ferè , vclEthi-  
solam veteres philosophiā judicarunt? Et quare propter cæ?*  
illam? An quia illa origo juris? Certè non ex prætorio  
edicto, ut pleriq; nunc, neq; ex duodecim tabulis, sed peni-  
tus ex intima philosophia hauriendam juris disciplinam i-  
pse Cic. putat i. de legibus. & quidem ex illo philo-  
sophiæ capite, ubi disputatur quid sit homini à natu-  
râ tributum, cuius muneris colendi efficiendiq; causâ nati  
*& in lucem editi sumus, quæ sit conjunctio hominum, quæ  
naturalis societas inter ipsos. His enim in Ethica ex-  
plicatis, fons legum & juris inveniri potest, inquit. Et  
quod naturâ propensi sumus ad diligendum homines, hoc  
fundamentum juris ibidem vocat. An quia radicem o-  
mnium malorum stirpitus philosophia se extracturam pol-  
licetur? Demus igitur (ut ipse monet 4. Tuscul.) huic  
nos excolendos patiamurq; nos sanari ab ea si boni & beati  
velimus esse? Omnia adjumenta & auxilia inde petamus  
benè beateq; vivendi? An quia philosophia virtutes  
continet, & officii & bene vivendi disciplinam, quam qui  
profitetur gravissimam proinde personam sustinere videa-  
tur ut 4. Tuscul. ait? Ideone philosophus præ cæ-  
teris dignus, cui tutò cōmendari Resp. possit? Ne-  
queo sane satis mirari, olim fuisse accitos è scholâ*

Pytha-

Cur hodiè  
apud nos  
eviluit?

i. Propter  
corruptā  
philoso-  
phiam?

Pythagoræ & Platonis academiâ ad Rerump. administrationem, cum hoc seculo profectò nostratis bus perridiculum videatur, philosophum ex aca demia veluti è pulvere schola stico sordidum, omniumq; rerum ignarum in senatum ad deliberandum in negociis publicis vocare eumq; præficere clavo Reipub. Adeo apud nos hodie eviluit id genu hominum. Nunc pone coquo minas decem, Medico drachmam, Assentatori talenta quinq; consiliario fumum, Meretrici talentum, philosopho Triobolum, juxta Diarium Cratetis. (Laert. l. 6. in crat.) cuius contemptus ansam illos in primis præbuisse credo, qui genuinam illam & masculam philosophiam per duo millia annorum in precio & honore, magno cum emolumento Rerump. habitam cœperunt castrare, excarnificare, eviscerare, & deum è pulpitis atq; academiis insanè cum sibilo explodere, quasi obscuram, falsam, impiam, prolixam, cui discendæ non sufficeret hominis ætas (ô audacem impudentiam) quasi impedimento, non adjumento foret properantibus ad alias facultates: explosæque loco substituere aridam & jejunam, in qua nullum ingenii liberalis pabulum amplius, nihil succi. Vbi enim in vulgaribus libellis & receptis hodie illa medicina animi, illa tranquillatio perturbationum? Vbi agitur de morte contemnenda & de aliis plurimis, propter quæ Cicero philosophiam usq;



usq; adeò commendat? Nusquam profectò, nus-  
quam. Hinc non immeritò philosophia talis & ta-  
les philosophi vapulant& contemnuntur propter vi-  
litudinem & vanitatem doctrinæ. An fortassis *altera*<sup>2. An pro-  
etiam causa contemptus esse potest</sup> Quorundam philoso-  
phorum vita Doctrinæ contraria , quam attingit  
Cic. 2. Tusc. ? *Quotusquisq;*, inquiens, *philosophorum*  
*invenitur*, qui sit ita moratus, ita animo & vita consti-  
tutus , ut ratio postulat ? *Qui disciplinam non o-*  
*stentationem scientiæ sed legem vitæ putet?* *Quiq;* obtem-  
peret ipse sibi ac decretis suis pareat? *Videre licet* alios tan-  
tâ levitate & jactatione , iis ut fuerit non didicisse melius:  
*Alios pecuniæ cupidos, nonnullos gloriæ, multos libidinum*  
*servos, ut cum eorum vitâ mirabiliter pugnet oratio, quod*  
*quidem est turpissimum.* Hæc ille. propter prædi-  
cta igitur haud facile dixerim cur Plato Philoso-  
phum censuerit aptiorem administrationi Reip.  
Tu itaq; Cl. V. Nicol. A. Grani dic quæso quid tibi  
videatur? Quod si feceris, meq; erudieris, gratias a-  
gam pro institutione ; Et erunt fortasse  
plures qui idem mecum cognoscere cupiant.



B

RE



## RESPONSO.



Vod petis Doct. Dn. M. dicam pro facultate & tempore rationes meas quām simplicissimē & quām brevissimē, utinam etiam tām perspicuē tamq; sufficienter, cur Platoni videatur Resp. sive universa, sive pars saltem eius tutissimē commendari philoso-  
pho potius gubernanda, tanquam aptiori, quam cuiquam alteri.  
Ne verò temeritatis meritò arguar, quasi imperitus Phormio apud Hannibalem de bello differens, aut umbratilis apud versatos in Reip. luce, tuebor me autoritate antiquissimorum, & gravissimorum autorum, Platonis, Aristotelis, Polybii, Ciceronis, Plutarchi, atq; aliorum, à quibus hæc qualiacunq; desumpsi; quæ rogo ne quis intellecta prius quām sint, contempta relinquar.

Primam ergò quæ movit Platonem hanc arbitror: Ecquis enim aptior ad regendum alios, quam vir bonus, doctus & disertus? cui potius commendanda Resp. quam viro probō & benevolo, qui semper vult benefacere ac prodesse: quam viro perito, prudenti ac diserto, qui expedite potest in medium quam rectissimē de summis rebus consuere? Iam verus Philosophus est vir bonus, doctus ac disertus. Nisi enim bonus ac peritus fuerit rerum gerendarum & fugiendarum, haut ritè assecutus est activam philosophiam, quæ rationes beatè vivendi in Ethicâ, gubernandi ad beatitudinem civilem in Politicâ, Oeconomicâ & Historiâ tradit. Nisi doctus fuerit ac sciens rerum quæ saltem cognosci, non verò fieri ab homine possunt,  
non

non didicit contemplativam, non Mathematicam, non  
Physicam, non Metaphysicam. Deniq; nisi *disertus* sed  
elinguis fuerit, nequaquam versatus est in instrumentalis  
philosophiâ, Rheticâ & Poëticâ; ideoq; ne philosophus  
quisdem. Quid enim? nonne genuinus philosophus  
(de quo nobis sermo) est *peritus administrationis?* Nonne  
didicit primò *in Ethicâ* finem ultimum omnis guberna-  
tionis, omnium actionum humanarum esse beatitudi-  
nem civilem seu optimam vitam, ad quam dirigenda so-  
cietas? nonne deinde didicit *in Politicâ* (reginâ & impera-  
trice omnium) media idonea recte administrandi? Non-  
ne didicit ex cā quot partes, quot genera, quot species  
Rerump. quot formulæ gubernandi, quibus causis, qui-  
bus consiliis singulæ species fundentur, conserventur,  
corrumptantur & intereant? quibus gentibus quæq; aptio-  
res convenient differentibus cœlo ac solo? Alio atq; alio  
statu gaudere qui habitant sub Zonâ temperatâ, torridâ,  
frigidâ, in regione fertili, sterili, mediterraneo, maritimo,  
campestri, montano; quod aperte patet in Venetis opti-  
matum, Helvetiis atq; Batavis populi dominium defen-  
dientibus: Et in Cappadocibus, qui repudiarunt oblatam  
libertatem, Regem postulantes à Romanis extinctâ regiâ  
stirpe. Contra Romani quidvis potius quam Regem tu-  
lissent. Nonne per *Rheticam* (quæ facultas est periuadendi,  
utilia, decentia, justa) didicit oratione compositâ, blan-  
do, attamen valido imperio tractare populum, beluamq; istam  
multorum capitum, ne recalcitret, peritè ducere  
quò commodum, honestum, æquum? Dic, quorsum  
aliò diriguntur genera causarum? quorsum tot argumen-  
ta, tot artifacia, in *demonstrativo*, nisi ad laudandum præ-  
clarè facta, & vituperandum turpia, ut inflamentur au-  
scultantes ad virtutem, deterreantur verò à vitiis? quor-  
sum

B 2

Philoso-  
phus fit  
Prudens  
ex Ethicâ  
& Politi-  
câ.

2.  
*Disertus* &  
Rheticâ  
& Poëticâ.

sum in *deliberativo*, nisi ad suadendum salutaria generi humano, dissuadendum verò noxia? quorsum in *judiciali*, nisi ad accusandum delicta & facinorosos, ut puniantur, tuendum verò innocentes à calumniā? Nonne didicit peritè per poësin Tragicam Principes, per comicam subditos, per Epicam utrosque à flagitiis deterrere; atq; ad meliorem frugem revocare spectatores & lectors delectando pariterq; monendo: esse Deum, observare ex altâ speculâ facta, imò cogitata occultissima, inscribere dipterae, præmiis probos, pœnis improbos pro cuiusq; merito tandem afficere, si non hîc omnino in alterâ vitâ? Certè hic finis, hic usus est legitimus poëticæ; imitatione fictâ, fabulis, actionibus in scena jucundis spectatu & auditu emendare vitam mortalium in melius. Nec debet abusus huic magis imputari, quâm cuiquam alteri arti nobilissimæ suus, Theologiæ, Iurisprudentiæ, Medicinæ aut alii. Qui itaq; finem & mediagubernandi ex Ehticâ & Politicâ, qui oratione persuadere & idonea dicere vitæ è Rhethoricâ & Poëticâ didicit, nonne potest ut peritus gubernator Remp. capessere atq; moderari? Qui verò non didicit, imparior, ni fallor, & imperitor accedit, veluti Phaëton ad aurigandum, ad volandum Icarus, vitro daturus nomina Ponto. Præterea qui fieri potest, ut genuinus philosophus non sit, us  
3.  
**Probus ex Ethicâ.** peritus, ita vir bonus ac benevolus? i. Nonne Ethica solet excitare in studio suo boni veri desiderium, id est, benevolentiam, & mali veri odium? quatenus bona triplicia, animi, corporis & fortunæ, totidemque opposita mala invicem comparat, ostendendo ad oculum, animi bona esse multò meliora bonis corporis aut fortunæ, cupidiusq; appetenda: utpote virtutem præ sanitatem, pulchritudinem, voluptatem, divitiis, honoribus: Animi autem mala esse multò pejora malis corporis aut fortunæ, ma-

gisq;

gisq; detestanda; utpote peccata, vitia & perturbationes  
animi perniciosiora morbis corporis, paupertate, & in-  
honoratione: quod quæ præstantiori parti (animo vide-  
licet) prosunt, meliora sint, quam quæ viliori, utpote  
corpori. Contra quæ præstantissimam partem, animum  
depravant, esse nocentiora multò ijs quæ nocent corpori,  
parti viliori? Itaq; honestatem præferendam utilitati tur-  
piq; quæstui. Sic certè Ethica comparando bona malaq;  
invicem excitat benevolentiam in considerante, ut bona  
velit & mala nolit. 2. Nonne excitat quoq; *Benevolentia*  
placando per certa articia Affectionis indomitos, im-  
pedimenta bonæ voluntatis & mentis? metum sollicitu-  
dinemq; in terribilibus & periculis, iracundiam & mol-  
litiem, cupiditatem immodicam voluptatum, divitia-  
rum, honorum, cæterasq; animi ægritudines; redigendo  
omnes in obsequium rationis rectæ; ne nimium sensibi-  
lia sua bona appetant, malaq; fugiant, nosq; à veris bo-  
nis abripiant, contra dictamen rationis, suâq; discordâ  
tranquillitatem animi perturbent. 3. Porrò, nonne Ethi-  
ca quoq; excitat *dilectionem proximi*, quando disputat o-  
mnes conatus, omnia studia referenda in utilitatem pu-  
blicam? Neminem violandum sui commodi causâ: Eum  
qui conatur incommoda sua evitare, aut lucrari injustè  
cum alterius damno, peccare contra naturam; ideoq; la-  
borare animi vitio seu morbo; quia hoc est contra natu-  
rale principium in mente humanâ lucens, Quod tibi fieri  
non vis alteri ne feceris. Quid faciendum in iis casib⁹ qui-  
bus honestas & utilitas pugnare videntur, cujusmodi sunt  
illi: Si sapiens adulterinos nummos acceperit imprudens  
pro bonis, cū id rescierit, soluturus ne sit eos, si cui debeat  
pro bonis? Si quis aurū vendens orichalcū se putet vende-  
re, indicetne ei vir bonus aurū illud esse, an emat denario

B 3

quod

quod sit mille denarium? Si in mari jactura facienda equi-  
né pretiosi potius jacturam faciat an mancipii vilis? si ta-  
bulam de naufragio stultus arripuerit, extorquebit né e-  
am sapiens natans in eodem freto exutiendo fatuum  
tanquam Reip. inutilem? Quid si una sit tabula, duo nau-  
fragi sapientes, sibi ne uterq; rapiat, an alter cedat alteri?  
Quid si pater fata expilet, patriam prodere, aut tyranni-  
dem occupare conabitur, indicet né filius magistratus  
Prætereo alios similes; in quibus profecto omnibus qua-  
tenus charitas, quatenus benevolentia erga proximum  
servari soverique debeat, præscribit; ne quid si-  
mulate, ne quid fallaciter fiat: Hæc agit, hæc curat mo-  
xalis, sicuti oportet cum,

*Qui latè unperio populos moderatur & urbes,  
Publica qui Princeps atq; ampla negotia traçtat.*

Dubitas? lege non multos quidem, non proletarios ac  
plebeios autores, in quibus (ut paulò ante dictum) nil suc-  
ci, sed vel libellulum aureum Boëthii *de consol. philosoph.* vel  
*Tuscul.* quæst. vel *de Finib.* vel *officia* Cic. tum *Politica* A-  
rist: qui nunc (proh dolor) magno studiorum damno  
negliguntur. Ex quibus evidenter patebit *philosophum di-*  
*gnissimè præfici universæ Reip.* cùm possit ac velit rectè impe-  
rare. Ecquis etiam *partibus Reipub.* primariis justius præsi-  
cit, sive *militiæ* in castris, sive *consilio* in Senatu, sive *in-*  
*stitutioni* in scholâ? Tota certè *Militaris scientia*, tota (in-  
quam) est pars *Politice*, totaq; dependet à *philosophia*,  
*de aciebus*, *de machinis*, *de stratagematibus*. Armata est  
Pallas. Itaq; Daniel Santbek de dirigendis tormentis *Geo-*  
*metricè*, scripsit peculiare opus valdè eruditum. Unde  
quis non videt, illum belli ducem eligendum, qui phi-  
losophus? Quod non ego dico qui prælio nunquam inter-  
fui, sed Polybius, Aelianus, Vegetius, Frontinus, qui ar-  
tem

4.  
Philoso-  
phus mi-  
litat.

tem militarem conscripserunt, ejus peritissimi; ijs credite. Enim verò aciem simplicem, duplicem, triplicem, quadruplicem; figurā quadratā, oblongā, conicā, cunata, rhombi, aliātū instruere, huic hostium vel illi numero opponere, commutare commodè per numerum parem, imparem, pariter parē, pariter imparē (*Ael.de phal.*) quomo-  
do potest quæso Arithmeticæ & Geometriæ ignarus? Aci-  
ei tamen ejusdē cōmutatio per diversas figurās, eandemq;  
figuram modo laxare, modo contrahere, manente eodem  
militum numero, Di boni quantum prodest! *Cunio* enim  
facto pauci cæsareani milites Sicambrorum nescio quot  
millia perruperunt & incolumes evaserunt. (*cæs. bel. Gal.*  
*l.6. & l.4.*) *Orbe* autem facto trecenti saltem legionarii, sex  
millia Morinorum amplius quatuor horis sustinuerunt.  
Et ratio ordinis in prælio victoriam è proportione in primis  
machinatur, ut ex interuallis ordinum aut subsidia mit-  
tantur, aut defessis receptus concedatur. Sic triplex Ro-  
mana acies ad *Geometricam intervallorum proportionem* in-  
struta, Gallicæ phalangi ad *Arithmeticam proportionem*  
instructæ præstabat. Quia miles idem tertio illic præliati  
poterat, qui hīc semel fractus nunquam recreari possit. I-  
taq; Romanus exercitus idem partibus omnibus eodem  
revocato undiq; robore præliari poterat, primâ acie qua-  
si capite, ut cornibus tauri, aut apri dentibus: mediâ  
tanquam pectore, ut vultures: Extremâ velut unguibus  
& calce, ut leones & equi. Deniq; si hastatus primâ a-  
cie vixtus esset, receptus inter principes & Triarios pot-  
erat acie secundâ terciâq; iterum atq; iterum decertare. Et  
ne quis ignorationem Geometriæ non fuisse calamitosam, cogni-  
tionem verò non salutarem arbitretur: Philippus macedo, ad  
Melitæorum urbem capiendam, non satis longas scalas  
attulit, nescius quæ proportio basis ad latera trianguli re-

Eti con-

Et constantis altitudine muri, latitudine fossæ & longitudine scalæ (quod pluribus Polybius lib. 9. inculcat) idcirco turpi clade affectus discessit, quemadmodum Galli repulsi à Mediolano. Archimedes verò solus solius Mathematicæ machinationis beneficio, (Polyb. lib. 3. c. 6. Plut. in Marcell.) adeò Romanos, omnium populorum victores removit ab oppugnatione incæptâ Syracusarum, adeò contrivit, jaculando in eos horrendo fragore & impetu ingentia saxa, eludendoq; omnes eorum invasiones, omnia instrumenta bellica, ut crederent se contra Deos pugnare; & quid nos (ait Marcellus) pergimus cum hoc Geometrico Briareo pugnare, superante fabulosos centimanos? Et sanè superavit. qui cum ante navem stupendæ magnitudinis & artis, instar arcis, instructam Hortis, scenis, Turribus, Muris, stabulis, Piscinis, balneis *reste Athen.* l. s. c. 7. demersam verò (quod omnes Siculorum vires frustra tentassent. Procl. 2. c. 3. Tzetz.) è littore in terram perinde velocissimè traxisset lœvâ, ac si velis remisq; agitaretur, spectante obstupenteq; Hierone Rege, fertur dixisse: *Damihi locum ubi consistam pedemq; figam, & orbem terrarum universum loco movebo.*

*Non illum Mundi numerasse capacis arenas  
Vana fides, puppes etiam, constructaq; Saxa  
Fæmineâ traxisse ferunt contra ardua dextrâ.  
canit Sil. Ital. l. 14. è Liv. 4. dec. 3.*

Tantum roboris, tantumq; fiduciæ mechanica tribuit, nec falsò jactitat paradoxum illud: *Quantulacunq; vi parvâ, posse quantumcunq; magnum pondus moveri.* Quid opticâ? capta fuisset fortè Constantinopolis circa A.C. 500. à Mæsis & Scytis, si non Mathematicus excellentiss. Proculus catoptricæ auxilio per specula ex ære uestoria soli opposita exuf-

exussisset classem barbarorum , quod olim Archimedem  
quoq; excogitasse contra Romanos refert Dion. citante  
Zonara T. 3. & 2. Quare ad castra metandum, ad occupan-  
dum locum, ad contrahendum & laxandum aciem, ad ser-  
vandum ordinem in ipsis & itineribus & præliis pluri-  
mum interest, Geometra ne sit, an non , Plato verissimè  
de Principe civitatis ait.lib.7.Pol. Quin etiam *Astronomia*  
& *Physica* opus habet. Nam qui nescit incrementa dierum  
& noctium in regione ubi pugnandum , facile errat in  
conficiendis itineribus, ne tempore præstituto perveni-  
at quò decrevit. Ut Cleomenes Rex Spartæ , cùm propo- Polyb. 1.9.  
suisset circa Pleiadum exortum Megalopolin præditione  
occupare , tertią vigiliā in tenebris , nec prævidisset no-  
ctes tunc esse brevissimas , eduxit exercitum seriùs Lace-  
dæmone sub occasum solis , nec spatiū tam celeriter  
perficere potuit, quin prius dies illucesceret. Itaq; anim-  
adversæ sunt insidiæ & is cum ignominia repulsus. Con-  
tra Philippus Maccodum circa medium noctem invadere  
Melitæenses dormientes decrevisset, maturius quam par-  
erat illo die anni Larissâ prosectorus , & ante vesperam per-  
venit in eorum fines, ideoq; ei necessariò properandum  
erat ad urbem, ne quis nuncius eum anteverteret. Ita de-  
tecta præditio est. Similiter qui nescit *causas Ecclipsium ex*  
*Physicalis* , & determinata *tempora ex Astronomia* , facile con-  
sternatur quasi prodigo: ut Nicias Atheniensium dux Lu-  
nâ deficiente eâ nocte quâ fallere statuisset in Siciliâ ho-  
stem , religione tactus abstinuit, suosq; perdidit. Tantum  
nocet ignorantia. Discendam itaq; Mathesin Imperatori  
non exquisitè quidem, sed quantum satis est, Polybius se-  
dulò suadet lib.9. tūm eam etiam ob causam ne erret cum  
plerisq; , qui ex ambitu magnitudines urbiū & castrorum  
conjectant; ac propterea si audierint Spartam (quæ patet

C

in cir.

Philoso-  
phus con-  
sultat.

in circuitu quadraginta octo stadia tantum) duplo majo-  
rem esse Megalopoli (cujus ambitus est stadiorum 50,) non  
credunt: multò minus credituri si quis dixerit fieri posse  
ut oppidum 40. stadiis circumdataum duplo majus sit ha-  
bente in perimetro 100. stadia. Hora ruit, nobis prope-  
randum est. Utilitates habetis philosophiæ in militiâ in-  
gentes, ad patriam defendendam, vel provinciis augen-  
dam. *Et quis etiam justius præficitur consilio in senatu, comitiis,*  
*conventibus & deliberationibus publicis quam philosophus? Qui*  
*præcepta universalia rectè consultandi hauserit è Politicâ,*  
*exempla verò singularia ex historiâ, quæ vitæ magistra, pro-*  
*ptereaq; ad Politicam pertinet, non aliter ac individuum*  
*ad speciem. Quot enim tractatus bene longus in Politicâ*  
*de arcana Rerum pub., de causis conservantibus & ever-*  
*tentibus singulas species, imò quot tota ferè civilis scien-*  
*tia suppeditat, ingeniosa & salutaria consilia, schemata*  
*Politica, Sophismata, stratagemata, artificia dicto vel fa-*  
*&to persuadendi incredibilia, obtinendi desiderabilia,*  
*extorquendi impossibilia, expiscandi occulta, evitandi*  
*incommoda; quibus res maximæ & difficilimæ facilimè*  
*sine violentiâ gerantur & ad optatum finem perducantur*  
*tam belli quam pacis tempore quoties non licet agere le-*  
*gibus, neq; in illâ facultate aliâ reperiuntur? In quibus*  
*honestè sine dolo malo aliud agere aliud tegere, & ut ille*  
*ait: stultitiam simulare loco prudentia summa est. Sicut*  
*simulavit furore in David coram Rege Palæstinorum: Sa-*  
*lon quoque Athenis pro recuperandâ Salamine: Et multi*  
*consilia sua sibi suggesta à divino numine cum quo con-*  
*gresso occultos fixerunt; quò cives obsequentiores à vi-*  
*tijs ad virtutem sibi redderent, suisq; majorem concilia-*  
*rent dictis fidem & auctoritatem; ut Rhadamanthus, Mi-*  
*mos, Lycurgus, Numa, Scipio. Mirari profectò soleo*  
*inter*

inter alia, Aristocraticam & Democraticam solertiam ex-  
cludendi subditos à regimine sine offensione animorum,  
sine seditione, quam Aristot. lib. 4. 13. cap. Polit. indicat.  
Concedit quidem facultatem omnibus indifferenter per-  
veniendi ad honores, dignitates, ad magistratum & gu-  
bernationem, attamen cum cōminatione nomina profi-  
tentibus tām honestā, tām benignā, ut libentissimē ab-  
stineant plebei in optimatum, & divites patriciiq; in po-  
pulari statu, satagendo rerum familiarium, contenti sola  
permissione. Quot etiam & quām optima consilia & acu-  
tē inventa suggerit *historia* ad omnes actiones humanas,  
quæ in vitâ occurrunt feliciter suscipiendas & perficien-  
das; quando narrat memorabiles omnis generis casus, e-  
ventus, consultationes, quibus res olim gestæ; in eum fi-  
nem, vt nos inde documenta ad imitandum vel caven-  
dum accipiamus in posterum? Ecce pro innumeris non  
anxiè quæsitum illud *Ariopharnis Thracum Regis apud*  
*Diodor. Sicl. lib. 20.* Tres Cimmeriorum Regis filij de pater-  
no regno contendentes Ariopharnem judicem elegē-  
re. Hic jubet cadaver patris sepulcro erui, arbore suspen-  
di, & eos arcu contendere, ut qui patris cor transfixisset,  
is in regnum succederet. Primogenitus guttur, secundus  
medium pectus illæso corde transfixit. Supererat minimo  
spes regni. Vicit pietas, & se regno cedere malle profes-  
sus, quām in patris cadaver s̄avire. Huic Thrax regnum  
adjudicavit; quia naturæ propensione sc & veré filium, &  
virtute præstantiore ostendisset. Ecce aliud, pro ut se  
offert sine ordine, sine delectu. *Constantius Chlorus Cæsar*,  
ut cognosceret idolatras in aulâ latentes sub nomine  
**Christiano**, ijsdemq; eam purgaret, simulat se defecisse ad  
idolatriam, instauraturumq; denuò persecutionem.  
Hac arte quoscunq; exploravit paratos ad persequendum,

relegavit, Eusebio teste in vita Conf. lib. I. cap. II. Ecce etiam  
tertium. Pontifici Alexandro VI. Sciscitanti quo jure Ve-  
neti Adriæ imperium & Insularum usurparent, responde-  
runt, eodem plane quo is possessionem Italæ sibi vendi-  
cat. Seq; mirari Sanctis. D. non legisse in autographo do-  
nationis Constantini M. quod dicitur servari in vaticana:  
**C**ùm ibi totidem claris & expressis verbis tantum conce-  
datur S. Marco potestatis in mari, quantum S. Petro in  
terrâ jam pescatori hominum & regionum feliciter facto,  
postquam deseruisset retia & littora. (Abr. Buchol. Ind. Chron.  
A.C. 1500. asseribit hoc responsum Hier. Donato legato Venetorum)  
**O**ccurrit quartum, quod nequeo præterire apud Corroze-  
sum: Byzantii Iudæus Christiano pecuniam mutuò dede-  
rat, uti constitutâ die præter sortem usuræ loco duas car-  
nis uncias è corpore suo debitor redderet. Die illâ for-  
tem solvit Christianus, fœnus negat. Aditur Solymannus  
Imperator Turcarum ut rem decidat. Ille Iudæum ani-  
mo detestatus, novaculam afferri jubet, & Iudæo potesta-  
tem facit, quâ velit membra parti debitoris duas carnis un-  
cias exscindat eâ lege, uti omnino duas tantum: si minus  
plusue exsciderit, capite luiturum. Non ausus Iudæus  
hanc aleam subire, Christianum absolvit. Ex talibus histo-  
riis lectis, quis non mirificè eruditur ad capiendum simi-  
lia consilia utiliter in similibus casibus? siquidem fabula  
cædem in hoc mundi theatro agitur mutatis tantum tem-  
poribus & personis; nec quicquam dicitur novi quod  
non dictum prius; nec fit quod non factitatum apud se-  
culum prius. Quoniam renascuntur cum hominibus suc-  
cedentibus cædem cupiditates & voluntates, quæ sunt  
causæ actionum humanarum. Redeuntibus autem similis-  
bus causis, redeunt simul similes affectus. Sed jam satis  
est. Exemplis pluribus, & ordine aliquo dispositis, copi-  
am

am saluberrimorum consiliorum in historiā monstrarem informantium philosophum, quid agendum in negotiis arduis, nisi & tempus deficeret, & tedium auditoribus obreperet. Ergò philosophus rectissimè faciet officium militare & senatorium. Quid? quod non tantum adul-  
tos gubernare possit, verūm etiam *inventutem quām rectif.*  
*simē educare & instituere* informando linguam eloquentiā <sup>6. Philoso-</sup>  
per instrumentales artes, intellectum veritate per contem-  
plativas scientias, appetitum virtute permorales discipli-  
nas? Ut pueri assuescant bonis rebus delectari, tristari ma-  
lis; decenter, non turpiter, non se vitiosè gerere in o-  
mnibus rebus humanis agendis, tām gratis quām  
molestis, tām adversis quām secundis, in cibo, po-  
tu, venere, convictu cum aliis, in solitudine secum,  
in commutationibus, circa opes, circa honores. Ex qua  
assuefactione morum non multum sanè negotii supererit  
legibus ad jubendum aut vetandum, ad delictorum pœ-  
nas aut præmia rectè factorum, sed sine legibus benè vive-  
re licet: sine illâ verò, ne cum legibus quidem vel pluri-  
mis, vel accuratissimè perscriptis ac sanctis.

Prudenter Horatius:

*Quid leges sine moribus vanæ proficiunt?*

Isocrates docet in Areopagítico, non beneficio legum bonos viros Athenis fieri, sed quod mores haberent honestà educatione ad rectum compositos, amorem virtutis & æquitatis pectoribus impressum & infixum. Opor-  
tet, inquit, rectè prospicientes Reipub. non porticus le-  
gum tabulis replere, sed in hominum mentibus æquita-  
tem defigere. Quippe non decretis, sed bonis moribus ci-  
vitas optimè gubernatur. Malè enim educatis atq; edo-  
ctis, nulla est legum et si exactè præscriptarum reverentia,

C 3

Con-

Contrà verò probè institutis, recepta bonis moribus sufficiunt. Itaq; primis optimarum Rerump. fundatoribus, non ea fuit curarum prima, quibus pœnis malè viventes afficerent, sed potius quibus tandem rebus assequi possent, ne quid cives pœna dignum vellent patrare. Id demum censebant esse munus suum, maximeq; moderatores civitatis decens. Nam de pœnis cogitare, hoc est hostem agere non civem. Haecen Isocrates. At Romanæ leges omnes (inquit Vives) sunt de constituendis litibus, de iis quæ ad pecuniam pertinent, ut sua unicuiq; manerent tuta. Nullum est in iis caput, nullus titulis de morum compositione, de animo ad virtutem formando, cùm tam multa sint eâ de re in ll. Licurgi & Solonis, unde sumtæ fuerunt 12. tabulæ: Omnia verò in philosophia. Quocirca philosophus, militat, consultat, instituit, in castris, curiâ, scholis. *An etiam in foro disceptare possit?* Dicam quod res est. Quamvis forensibus causis in judicio præesse nequeat, ubi perplexi casus legibus saltem decidendi objiciuntur (nam hîc confiteri necesse est ICtum dominari jure) tamen jurisprudentia nequit carere philosophiâ (quod ex Ulpiano audivimus) neq; ICtus philosopho: non utiq; Mathematico. Etenim sine Arithmeticâ impossibile est assequi sensum, nedum exsequi sancta legum quarundam in herciscundâ familiâ, fructu arboris in confinio dividendo, & insulis fluviaticis secundum jus civile dividendis. Adeò verba sâpè aliter sonant ac sententia est legum. De quibus iccirco Io. Buteo, Mathematicus insignis, eruditissimum opus scripsit nondum mihi visum. Ut nihil dicam de frequentibus quæstionibus lucri & damni in venditionibvs & emptionibus decidendis Arithmeticè. At ne quid temerè effutire videamur, loquatur ipse Iustitiae consultus Julianus de posthum. hæred. instituend.

7. Philoso-  
phus ne-  
cessarius  
ICto.

Mathema-  
ticus ne-  
cessarius.

stituend. Si ita scriptum est: (ait in ff. lib. 28. l. 13.) si milius filius  
natus fuerit, ex besse hæres esto, ex reliqua parte uxor mea hæres  
esto. Si verò filia mibi nata fuerit, ex triente hæres esto, ex reli-  
quâ parte uxor mea hæres esto. Si filius & filia nati essent, dicen-  
dum est, assēm esse distribuendum in septem partes, ut ex his filius  
quatuor, mater duas, filia unam partem habeat. Ita enim secun-  
dum voluntatem testantis filius altero tanto amplius habebit  
quam uxor. Item uxor altero tanto amplius habebit quam filia.  
Dicet enim subtili iuris regulæ conveniat, ruptum fieri testamen-  
tum, attamen cùm & utroq; nato testator voluerit uxorem ali-  
quid habere, ideo ad eiusmodi sententiam humanitate suggeste  
decursum est. Quod etiam iuventio Celso apertissimè placuit.  
Hæc Iulian. in speciali salteni casu, quoties hæreditas in  
septem partes dividenda, satis per Arithmeticam exposuit  
voluntatem testatoris. Cum certum sit testamentum non  
intelligi ut verba sonant. Nam partes toto dividendo ap-  
parent maiores, si mordicus scripturam & literam potius  
tenere velis quam sententiæ analogiam sequi. Quippe si  
filius accipiat  $\frac{2}{3}$  quomodo uxor habebit  $\frac{2}{3}$  & filia  $\frac{1}{3}$ ? Sed  
mille casus hinc contingere possunt. Quid enim si uxor  
duos filios & unam filiam? Quid si duas filias & unum fi-  
lium peperisset? Quid si duos filios & duas filias? Quid si  
pater legasset filio dodrantem, matri quadrantem, filiæ  
verò quincuncem, sed matri septuncem? Quid si aliter?  
tunc non potuissest hæreditas dividi in septem partes.  
Quid itaq; tunc suisset faciendum? Vides sine regulâ A-  
rithmeticæ, quæ dicitur *continuatio proportionum* nequa-  
quam explicari. Ergo quanta sit necessitas Mathematicæ  
etiam in judiciis sæpè sufficit uno hoc exemplo demon-  
strasse. Sed an *Physica* quoq; necessaria? Omnino. Quomo-  
do enim, si inciderit quæstio de abortu è percussione gra-  
vidæ, nunquid homicidium commissum, quomodo (*in-*  
*quam*)

Metaphy-  
sicus ne-  
cessarius.

quam) expediet se judex absq; cognitione physicæ, vel in-  
consulto philosopho naturali, ut sciat quando incipit fœ-  
tus animari in utero animâ rationali & fieri homo? Quin  
*Metaphysicam quoq; iuvare plurimum ad perfectam legum scien-  
tiam probat disputatio Hermolai Barbari cum Alexandro*  
ab Alexand. lib. 3. Genial. cap. 1. cui occasionem præbuit  
Plutarchus, scribens navim, quâ olim Theseus delatus fu-  
erit in Cretam (ubi interfecit Minotaurum, & patriæ li-  
bertatem vindicavit) ad Demetrii Phaleræ i usq; tempora  
per multa secula Athenis servatam permanisse. Cumq;  
longo ævo absumpta dudum vetus materia fuisset lignis  
antiquioribus detractis novisq; coaptatis, ac nihilomi-  
nus diceretur vulgò Thesei navis, philosophos quæstio-  
nem movisse, *num esset eadem navis.* Hermolaus quidem  
negabat permanere eandem numero cui non permanet  
eadem materia. Alexander contra eandem confirmabat  
ex sententiâ ICTORUM QUORUNDAM. Alphenus enim, in-  
quit, Iuris Civilis & veterum literarum doct' impensè, ex-  
istimavit ubi iudicium coram uno pluribus agitari cæ-  
ptum, si illis fato perfunctis alii suffecti sint, idem judi-  
cium censeri. Et *populum* eundem esse qui nunc est, & qui  
ab hinc centum annis fuit. Navim quoq; cui mutatâ ma-  
teriâ veteri nova suffecta est, non aliam sed eandem dece-  
re existimari. Quod si aliter dicimus, utiq; foret ut nos,  
qui immutamur quotitie, iidem non essemus, qui ab hinc  
anno fuissimus. Quin etiam Ulpianus & Pomponius pro-  
diderunt: *Sigrex mihi testamento legatus esset, isq; adeò*  
immutatus est, ut ne ovis quidem, quæ scripti legati tem-  
pore fuit, hodie supersit, sed omnis ex sobole postea na-  
tâ suffectus sit, eundem gregem dici; atq; ideo legatum  
testamento deberi; quia, cùm quid loco alterius suffici-  
tur, idem existimari haud dubium. Hactenus Alexand.

Hic



Hic quæstio est in jure de idemtitate navis, judicii, populi, gregis. Ecquis controversiam componet? Ecquis quæso plenius quam is cuius officium proprium est speculari quotupliciter Ens dicatur Unum? At hic est Metaphysicus, sine quo nequit disputatio finiri. Ac quamvis in allegatis legibus idem judicium, eadem navis, idem populus, idemq; grex dici & haberi meritò debeat quam diu servatur eadem species, propter eandem utilitatem, quam species eadem mutatis singularibus præstat, & lex exigit, & testator voluit; tamen in multis aliis non idem specie, sed idem numero & materiâ requiritur. Quod satin' superq; probat prodigiosa illa navis ænea Fortunæ Constantinopoli circa A. C. 500? cuius fragmenta quamdiu sublata erant, frumentum navibus importari nequibat ob tempestates: Populusq; fame peritus videbatur, nisi studiosè conquisita eadē restitutaq; fuissent. Zon. 3. Satin' etiam probat regula communis, *Duo cùni faciunt idem non est idem?* Ideoq; Spartani, cùm improbus in senatu sententiam aliquando æquissimam dixisset, eā rejecerunt, donec eamdē alias vir bon⁹ pronunciaret. tum demū acceptata rataq; habita est. Gell. l. 17. c. 3. Alioquin etiam eandem urbem dices Romam veterem & hodiernam, illam civibus potentissimam & ædibus marmoream, hanc invalidam incendiisq; toties vastatam. Ergò *Metaphysica etiam Ethicus* facit ad accuratiorem legum notitiam. Multoq; adhuc magis *Aetiva philosophia* quam speculativa; quod manifestissimum vel ex unica doctrinâ de actionibus invitis, spontaneis & mixtis, quæ tota Ethica est. Quis enim discernet reum ab insonte? Quis recte judicaverit pro tribunali illâ neglectâ? Quid dicam de Rhetoricæ necessitate & utilitate? Nicolaus Vigilius Ictus insignis in suâ Rheticâ, quam Practicam forensem appellavit, contendit nihil magis nunc li-

Rhetor,  
necessari.

D tium

Logicus  
necessari.

tium parere immortalitatem (quæ extinguit amicitiam & mutuam dilectionem in genere humano) quam usitatum hodie processum juris, neglecta verâ ac vetere Rhetorica. Nec dissentit ab eo Zazius in comment. ad Heren. Quid de Logicae usu? quem plus satis monstrauunt in jure Petrus Andreæ Gammarus in Logica legali, & Nicolaus Eberhardus. Iamq; demum ostendimus philosophum posse ac velle rectè ordinare universam Remp. & partes præcipuas, militiam, curiam, scholam; judicio etiam prodesse si non præesse. Quod si objiciatur multos egregiè rexisse civitates, provincias, regna optimis consiliis, solâ naturâ suggestente, experientia solâ docente, ne leviter quidem philosophiae cognitione tinctos: Respondeo hanc fuisse in illis philosophiam naturalem, quæ nullo modo separari debet ab artificiali consummatâ. Dices fortasse, ubi reperitur talis philosophus omnibus numeris absolutus, & trademus ei imperium. At ego similiter, ubi quæso absolutus Theologus, absolutus ICtus, absolutus Medicus? Si prius nolis liberari morbo, lite, peccato, quam tales inveneris contentus mediocribus, serò aut nunquam liberaberis. Enumeratas ergò fuisse arbitror rationes, cur philosophum præfecerit Reipub. magnus Plato applaudente Cicerone. Quod verò hodie hic repudiatur, non mirum, postquam amissimus vera rerum vocabula, in tantâ institutionum doctrinarumq; Discrepantiâ perniciosa, in tantâ perturbatione, indeq; perversorum morum luxurie, quâ ægroti medicinam ferre nequeunt, nec medicum ab agyrtâ discernere, nec philosophos à philosophâris veteri verae q; philosophiæ petulantissimè insultantibus; quorum agmen dicit, Gallus Veromanduus cum suis quibusdam pullis & transfugarum manipulis, granum in simeto suo, non margaritam, quæstum per fraudulenta compendioria sua,

la sua, non sapientiam solidam quæritantibus. Quorum  
hortatu videmus complures è trivialibus evestigio invo-  
lare in alias facultates insalutatis Musis invitâq; Miner-  
vâ: Tum audacter arrogare sibi licentiam judicandi de re-  
Etâ constitutione Academiarum, de philosophiâ, de ho-  
nestis liberalibusq; disciplinis quantumvis ignotis, plus  
quam Sutor ultra crepidam. quas Imperatores, Reges,  
Principes, & omnis pius magistratus, quas omnes, quot-  
quot Mundo præluxerunt doctrinâ ab omni ævo appro-  
barunt proponendas ac retinendas veluti radios ac rivu-  
los divinæ sapientiæ ad irrigandum, ad fæcundandum  
fructuose vineam Domini; Easdem carpere, damnare,  
scurrilibus dicteriis impudentissimè traducere. Quod  
(ô Nemesis! ô Rhamnusia Virgo!) haud impunè ferrent,  
nisi tuerentur eosdem Rerump. Naufragia. olim refert La-  
err. l. 5. in Theoph.) Sophocles Amphiclidæ filius (non ille Tra-  
gædus) legem Atheniensibus promulgaverat, ne quis philosophus  
Scholæ præficeretur, nisi id senatus & plebs decrevisset: Quis se-  
cus fecisset, ut ei capitale esset. Itaq; & Theophrastus, & philo-  
sophi reliqui urbe secesserant. Sed à Philone dies ob id Sophocli  
cum sequenti anno, quo abierat præfecturâ dictus esset; Atheni-  
enses lege abrogatâ (quia adversus philosophantium & scho-  
larum libertatem lata. Rudis scilicet de eruditione judi-  
caret, iners de arte, cœcus de colore!) Sophoclem quinque  
talantis mulctarunt; & ut philosophis redire, docere ac scholam  
regere suo arbitratu liceret decreverunt. Divæ Athenæ, ve-  
stram fidem, vestram integratatem! quid faceretis calu-  
mniatoribus nostris maledicentissimis & ex alto despici-  
entibus? Quid Philosophastris eiusmodi spurcis animalibus  
(Gell. lib. 9. cap. 2.) & probris nomen imponentibus sibi  
philosophiæ, ut ab eâ philosophi nuncupentur? Si no-  
mina fortissimorum juvenum Harmodij & Aristogitonis,

qui libertatis vindicandæ gratia Hippiam Tyrannum in-  
terficer adorsi, ne unquam servis indere liceret, decreto pu-  
blico sanxitis; quoniam nefas visum nomina libertati pa-  
triæ devota servili contagio pollui, an æquo animo pate-  
remin in omen philosophiæ illustrissimum in hominibus  
deterrimis sordescere ? Sed nunc frustra hîc conqueri-  
mur. Itaq; hîc finem facio. & vobis Doctiss.Dn.

M. omnia felicia & fausta  
precor.

F I N I S.

















153456

ULB Halle  
002 677 407

3




VD 77

**O**mnumcantes et nocturnū nō dicit  
gratissimā celebrantes. quia beat  
rie in temporata virtutibz. huic munit  
saluatorē. **S**ed et memoriā uenerant  
mus eū h̄em gloriose semp̄ vī. p̄mis mar  
trias cuiusdn̄ dei. et dñm m̄ri ih̄u xp̄i. **S**ed et  
torū apostolor̄ tuor̄.

**O**mnumcantes. et diem sacraissimū cel  
les. quo unigenitus tuus in tua tetū gloria.  
nus in ueritate carnis nostre visibiliter caro alio  
apparuit. **S**ed et manducaū  
**O**mnumcantes et diem sacraissimū cel  
les. quo dñs nōstr̄ ih̄c xp̄c p̄io nobis atq; uide  
**S**ed et manducaū. **D**anic igit̄ oblatio

B.I.G.

Farbkarte #13



NICOLAI ANDREAE GRANII  
S V E D I

34.  
O R A T I O

P R O

PHILOSOPHIAE  
DIGNITATE IN RE-  
PVBL. HABITA XXV. IVL.  
A. C. clc i cXXII.

C V M

Spectab. Dn: Decanus Facult. Phil.

M. HENRICVS SCAPERVS  
Mathem. pr.p.& p.t. Magnificus VI-  
CE-RECTOR,

Sex Doctiss. Juvenibus summos in Philosophia  
honores conferret.



Helmæstadñ,  
E typographéo heredum IACOBI LUCI;

M DC XXII.

30

